

են Պալխարին որը չորս վերստ ցած իջնելով՝ միանում է Ճորոխին :

Պալխար վտակը աջ կողմից ընդունում է, բացի Մերեխեի առ-ից Բալխար-Մացրա, Եայլա, Շալովար, Վանից-Գեղ, Կիս-Պարօղ, Վժանգետ առուակները, որոնք ոռոգում են համանուն գեղերն ու եայլաները :

Ինչպէս Պալխար վտակը 40 կիլոմետր տարածութիւն եւ ընդարձակ աւազան ունի, նոյնպէս Կորակ եւ Արջեւան առ-ը լայնարձակ աւազաններ ունին, որոնք՝ բացի վերոյիշեալ գեղերից, նոյնպէս ոռոգում են Բալիիրար, Մախաթիտ, Լանէք գեղերը եւ սրանց եայլաները : Պալխարի կամ Բահլի աւազանը ընդհանրապէս 30 կիլոմետր երկարութիւն եւ 25 կիլոմետր լայնութիւն ունի, ինչպէս վտակը նոյնպէս լեռնաշղթան աշխարհահռչակ է : Բացի ներկայիս գոյութիւն ունեցող աւաններից, գեղերից, եայլաներից մնացել են բլուրներ եւ թումբեր որոնց մօտի գերեզմանոցները, թումէններն ու կուրգանները, բարձունքների կատարին որմերի մնացորդները ցոյց են տալիս, թէ որքան չէն եւ բազմամարդ է եղել այս գաւառը :

Այս գաւառը «Փահլեւանների», Պահլաների կամ Բահլաների որորանն է : Փատտերն ստիպում են ո՛չ միայն ենթադրելու, այլ եւ համոզուելու, որ այս գաւառն է Պահլաների բունը՝ բնակավայրը : Բահլի կամ Բալհի աւանը համանուն առուակի ափերին,